

DATUA

%0,22 euskararentzat

Aurrekontuak oso-osorik hartuta, euskararentzat erabiltzen den dirua %0,22 izango da aurtengo. Portzentia horrek etengabeko beherakada izan du 1995etik, baina azken urteotan %0,34an mantendu zen, ez gora ez behera. Iaz, Pedro Pegenaute zuzendaritza nagusian sartzearekin batera, %0,27ra jaitsi ziren, eta aurtengo berrir jaitsiera handia gertatu da. Eusko Jaurlaritzak, konparazioan, aurrekontuen %1,55 bideratzen du euskara sustatzeko.

tzioa—, euskal irakasleen hobe-kuntzarako diru gutxiago jarriko da, eta euskarazko jarduerak kulturaletan ere jaitsiera handia dago: ia berrogeita hamar milioi pezetatik 14,5era jaitsiko da diru saila.

Euskararentzako diru murrizketon inguruan erreparatuak agertu zituzten CDNk eta PSNk, UPNrekin izandako negoziatuetan, baina bi alderdiko eledu- nek nabarmendu dute «ukiezi- na» izan dela arlo hori UPNren- tzat.


Euskaltzaindia eta Eusko Ikaskuntza kaltetuenak

Kaltetutakoen artean, Euskaltzaindia eta Eusko Ikaskuntza dira azpimarragarrienetakoa. Aurtengo diru laguntzak oraindik blokeaturik dauzkatala, bi erakundeek bilerak egin dituzte Nafarroako Gobernuak ordezkariekin, baina ez dute inongo konpromisorik lortu.

Nolanahi ere, Euskaltzaindiko Nafarroako ordezkari Andres Iñigo «harritura» dago diru sailaren jaitsiera dela eta. «Orain arte egin ditugun bilerak bide onetik doaz», azaldu dio EGUNKARIARI, «hain justu, zenbaki hauek adierazten dutenaren kontrako norabidean». Nafarroako Gobernuak hitzarmen berria sinatu nahi du hizkuntza- ren akademiarekin, bi aldekoa bakarrik.

Eusko Ikaskuntzan, ordea, espero zuten. 11,9 milioi peze- tako aurtengo diru laguntza emateke, datorren urterako aurrekonturik ez du onartu Nafarroako Gobernuak. Eusko Ikaskuntzak beste bilera bat eskatu du hil honetan egiteko, baina kezka nabaria da erakundean. Eusko Ikaskuntzako arduradunen asmoa da hil honetan egin behar den kongresuaren ond- otik harremanak bideratzen saia- tzea.

Berriki, Alberto Catalan UPNko eleduak gutxietsi zuen Eusko Ikaskuntzak egindako lana, eta, hitzez hitz, «nahi zue- na» egiten zuela adierazi zuen Parlamentuan bertan.



JOXE LACALLE

Etxebizitzak sustatzeko diru gutxiago aurreikusi dute datorren urteko aurrekontu proiektuan. Irudian, etxe bat egiten, Iruñean.

Arlo sozialeko gastua ere nabarmen murriztu dute aurrekontu proiektuan

Oposizioko alderdiek diote egitasmoa «atzerakoi, ez-sozial eta jarraipen hutsekoa» dela

A.B. | IRUÑEA

Inoiz baino geroago iritsi diren aurrekontuek ez dute Parlamentuan ibilbide errazik izango. UPNk CDNren babesa dauka aurrera egiteko, baina bien artean 25 boto dauzkate, eta oposizioak, batuta, beste hainbeste.

Miguel Sanz behin eta berri- ro ahalegindu da azken asteetan sozialisten botoak ere eskuratzen, baina haiek, joan den larunbatean egindako bileran, ezetza eman zioten, UPNk haien eskaerak aintzat ez zituela hartu argudiatu- rik.

Aste honetan bertan, Kon- tseilu Ekonomiko eta Sozialak errefusa agertu zien aurrekon- tuei, eta oposizioak iragarriak ditu osoko zuzenketak. Aldatu edo iazkoak luzatu, ez bide dago beste irtenbiderik. Edo PSN azkeneko bozketan abs- tenitu.

«Atzerakoiak» eta «ez sozialak»

«Atzerakoiak», «jarraipen hu- tsa», edo «ez-sozialak». Gisa horretako adjektiboak jaso di- tuzte Nafarroako aurtengo kontuek. Oposizioko alder- diek eta sindikatu gehienek, bederen, arlo sozialari eginda- ko kritikak azpimarratu dituz- te.

Arloz arlo begiratzeak baieztatzen du inpresio oro- korra. Esaterako, sindikatuek

adierazi dute dagoeneko «mu- rritzailea» dela, «kontserba- dorea» gastuan, %9ko haz- kunde horrekin ez baita justifi- katzen ekonomia aurtengo ustez igoko dena. Baina, batez ere, gastu soziala da kritika guz- tien iturburua.

Esaterako, Osasun Depar- tamentuko aurrekontua %6 handitu dute, aurrekontuen orokorrak baino gutxiago, be- raz. Etxebizitzarako gastua

ere murriztu nahi dute aurtengo —iaz 9.271 milioi pezetako diru saila zegoen etxebizitzak zaharberitu eta eraikitze- ko, eta aurtengo 8.500 milioi izango dira azkeneko bere hartan onartzen badira—. 1.500 mi- lioi pezeta gutxiago izango dira sail horretan.

Hezkuntzan jaitsiko dituzte Lanbide Hezkuntzarako diru sailak, eta igo ikastetxe kon- zertatuei ematen zaizkienak,

eta Kultur Ekintzak izeneko sailean badago jaitsiera esan- guratsua: udal ekintzei diru la- guntzak, formakuntza artisti- koei zuzenduak, argitalpene- rakoak, liburutegiak hornitze- koak, horiek denak behera.

Oro har, kulturarako bidera- tutako dirua urrienetakoa da —18.137 pezeta biztanleko, administrazioaren zerbitzu orokorrei ematen zaiena edo Estatuak Nafarroan dituen gastuak finantzatzeko dagoe- na baino askoz ere gutxiago, eta defentsarako eta herritar segurtasunerakodirua baino gehiago—.

Immigranteentzako diruan ere beherakada

Beste kritika bat: immigrante- entzako edo bazterketa sozia- lerako bideratutako dirua ez da igo. Jaitsi egin da, hain zu- zen ere.

Bestalde, Ingurumen De- partamentuari egokitutako di- rua «gutxiegi» dela kritikatu dute, esaterako, sozialistek eta CCOO sindikatuak, «ez baita nahikoa arlo honek di- tuen betebeharrarako».

Pentsatzekoa da zuzenke- tak aurkeztuko direla, eta ba- tzuk onartuko direla, baina kontuan hartu behar da horre- tarako alde aurretik akordio- ak beharko direla UPN eta CDNrekin, haiek jadanik be- ren babesa eman diotelako testuari.

SAILEZ SAIL

Kultura sustatzea, behera

Politika sozialean dauden murrizketak kritikatu dituzte sin- dikatuek eta hainbat alderdik, eta kritika horiek Parlamen- tuko eztabaidetan nabarmenduko dira.

ETXEBIZITZA. Aurrekontu hauek iaz baino diru gutxiago bi- deratzen dute etxebizitzak sortu eta bultzatzeko, hain zu- zen ere Etxebizitza Egitasmo berria onartu den urtean.

KULTURA. Kultura sustatzeko dirua jaitsi egin da; esaterako, Ekintza Kulturalako Sailekoak. Igo egin dira, ordea, ondare historikora bideratutakoak, eta martxan dauden proiektue- tarako eraikuntza berriak

HEZKUNTZA. Lanbide Hezkuntza sustatzeko egitasmoek jai- tsiera nabarmena dute, eta ikastetxe kontzertatuak suben- tzionatzeko diru sailek, ordea, gora egin dute.

INGURUMENA. Ingurumen Sailerako dirua ia bere hartan utzi dute aurrekontu hauetan. Aurrekoa ez zela nahikoa kritika- tu dute sindikatuek.